

BON DIA
Aruba

COLOFON

Imprimí na Caribbean Speed Printers
N.V. September 1995.

Colaboradornan

Editorial

Marjon Bareño
Maritza Faro-Maduro
Rachel Kraaijvanger
Dr. Horacio Oduber
Hospitaal

Electronic Pagination/Layout

Joyce Haakmeester
Johnny St. Hill
Gladys Silva

Fotógrafo

Debbie Kelly

Corrector

Eithel Kroon

Sales Department
Caribbean Speed
Printers N.V.

Art Department
Caribbean Speed
Printers N.V.

Pre-Press Department
Caribbean Speed
Printers N.V.


Press Department
Caribbean Speed
Printers N.V.

Front Page Design

Corine van Oosten

Un danki special na departamento di Perso-neelsaken y P.R. di Dr. Horacio Oduber Hospitaal y na e staff y personal cu a cooperá pa haci e edicion special aki posibel.

Dr. John Leo, director di Dr. Horacio Oduber Hospital 'Sin confianza bo no ta logra nada, nos ta trata di no duna motibo pa tin desconfianza'



Dr. John Leo, director di Dr. Horacio Oduber Hospitaal desde 1988

ORANJESTAD - Dr. John Leo despues di a cumenzá HBS aki na Aruba a bai Hulanda na 1952 caminda el a sigui su skol secundario na Canisius College na Nijmegen.

Despues di esaki el a dicidi di studia medicina.

Na aña 1963 Dr. Leo tabata dokter di cas pa un aña na Aruba.

E ta recordá claramente con den e corto tempo ey el a asistí na 150 parto na cas!

'Casnan caminda no tabatin corriente, mi tabata te hasta mester a uza un flashlight durante e parto,' e actual director di Dr. Horacio Oduber ta duna di conocé.

Despues el a bai Merca caminda el e especializá su mes den transplantacionnan.

El a bolbe Hulanda despues y a traha na Utrecht pa despues bai Den Haag na 1971.

Na 1988 Dr. Leo a asumí e posicon di director di Dr. Horacio Oduber Hospitaal siguiendo asina den pasonan di Dr. Hage q.e.p.d.

Segun Dr. Leo durante e último 10 añanan Dr. Horacio Oduber a pasa den masha hopi cambio, tanto cambionan médico especialista como pa loka ta trata enfermeria.

Esakinan ta por ehempel pa e team médico, esta specialistanan nobo, cardiologonan, kaakchirurg,

plastische chirurg. E cantidad di specialismonan simplemente a wordo expandé.

'Dentro di e técnicanan ey a bin tambe cu e CT-scan na aña 1991 y echograffa a conocé un desaroyo enorme. E ta perteneciendo awendí na rutina cu bo ta haci un echograffa.

Anteriormente pashentnan mester a bai sea Corsow of Venezuela pa un C.T.-scan. Cu e propio C.T.-scan bo ta haci tur cos mas placentero pa pashentnan cu ta hopi malo y cu difícilmente lo por wordo transportá,' Dr. Leo ta expresá.

E hecho aki tabata hustamente locual a motivá Dr. Horacio Oduber Hospitaal pa bringa pa e C.T.-scan.

En total 2000 persona ta beneficiá di e aparato aki pa aña, pues por bisa cu el a yena un vacío.

SEGUNDO HOSPITAL NA ARUBA

Den e Rijksbegrotingsrapport recién emití ta papia di presupuesto pa un hospital nobo na Aruba. Confrontá cu e informacion aki 'Dr. Leo a muestra sorprendí.

'Construí un hospital nobo no ta e problema, e bottleneck ta e costonan adicional. Nos mes tin problema pa

financiá e hospital.

E costonan di salubridad públicu t'asina haltu cu e no ta nada realístico pa pensa riba un segundo hospital. Bo lo mester di e infraestructura manera laboratorio, röntgen

etc, henter e facilidadnan di un hospital pues.

Taremarcabel cu Hulanda ta duna di conocé esaki caminda nan mester fusiando hospitalnan cu otro. Nos tin mester di un cantidad di otro cosnan mas importante cu un hospital.'

POBLACION DI ARUBA ENVEHECIENDO

Segun Dr. Leo mester cumenzá pensa cu Aruba su poblacion ta envehecendo. Un parti mas grandi di nos

poblacion lo bai haña nan confrontá cu diferente malesanan a causa di nan edad.

'Nos lo mester bai adaptá Salubridad Público na esaki. E frecuencia di cierto malesanan ta aumentá y hendenan ta haña malesanan típico di edadnan mas haltu.

Na Aruba Osteoporosis no ta asina haltu mirando cu e solo tin efecto riba dje.

Pero si t'asina cu tin hopi diabético, hopi problema di overweight y malesanan cardiovascular y riba esakinan nos lo mester bai dirigí nos mes,' e director di hospital a expresá.

IMAGEN DI HOSPITAL DEN NOS COMUNIDAD

'Nos tin un bon hospital di bon calidad. Esaki ta wordo bisá na nos dor di diferente dokter y personanan di afó. Mi ta bisa bo lo metser drumi un biaha afó pa bo ripará esaki.

Cu kizas tin especialista cu ta menos bon cu otro, menos simpático cu otro, esey ta humano.

Pero nos ta trata di no duna pashentnan motibo pa tin desconfianza.

Pasobra si bo no tin confianza di pashentnan bo no ta logra nada,' Dr. Leo a enfatizá. □



▲ Dokter Hage q.e.p.d. kende Dr. Leo a sigui como director di Dr. Horacio Oduber Hospitaal y kende hopi ainda ta recordá cu hopi admiracion y ta gradici pa e base cu el a sa di pone. □